

ԺԱ.

ՓԻԼԻՊՊՈՍ ԿԱԹՈՂԻԿՈՍ. ՌՁԸ = 1640. ՀՈԿՏ. 12.<sup>1</sup>

(Յորդորէ զԼեհանայս օգնել իրերաց, և ըսել Մոռաբեկի՝ որ ի շահեն Պարսից

դեսպան գևայր առ րագաւորն Լեհաց):

Է՛



ՅՍՈՒՍԻ Քրիստոսի ծառայ Փիլիպպոս կաթողիկոս ամենայն Հայոց,  
 ի վիճակէ սրբազան Առաքելոյն Բարդուղիմէոսի, յաջորդ Սրբոյ Ա-  
 աքելոյն Թադէոսի, և փոխանորդ Սրբոյն Գրիգորի Հայոց Լուսաւորչի և  
 բազմաչարչար նահատակի և սրբազնակատար հեղինակի, և պատրիարզ  
 Վաղարշապատու քրիստոսահիմն և լուսանկար երկնահանգէտ սրբոյ ա-  
 թոռոյն Էջմիածնի. Յորմէ ժամանեալ հասցէ գիր աւրհնութեան և նամակ պահ-  
 պանութեան, շնորհք առաքելական և աստուածային աւրհնութիւնն ի վերայ տի-  
 րապահ և քրիստոսախնամ քաղաքացի, իլովայ, Կամենիցու, Ետզլովցայու, Չա-  
 մոչցայու և Լուծկայու. Լուսաւորչի աւրհնեալ հօտի ժողովրդեանդ. սրբանուէր  
 քահանայցդ, տեառնախիս դատաւորացդ, պերճապատիւ ազատացդ, արգասա-  
 պատիւ մեծատանցդ, և այլոց ամենեցունց, աղքատաց և առմկաց, մեծամեծաց  
 և փոքունց, արանց և կանանց, ծերոց և տղայոց, երիտասարդաց և կուսից, և  
 ամենայն չափու հասակի, միագումար ամենեցուն. Շնորհք ընդ ձեզ և խա-  
 դաղութիւն յԱստուծոյ Հօրէ մերմէ և ի Տեառնէ Յիսուսէ Քրիստոսէ, և ի  
 Ս. Հոգւոյն կենարարէ և բարերարէ. ամէն. Աւրհնութիւն Հօր, պահպա-  
 նութիւն Որդւոյ, և նախախնամութիւն ամենասուրբ Հոգւոյն, միշտ և  
 հանապազ ի վերայ ձեր լիցի, և օր ըստ օրէ լցուցէ զձեզ փառօք և ար-  
 գասալիր ճոխութեամբ, իբրեւ զօրթս և զոստ սաղարթախիտ և պտղալից  
 դրախտ տնկեալ ի գնացս Հոգւոյն վտակաց. կալ մնալ ձեզ խաղաղական կե-  
 նօք և պարագայց ամօք մինչ ի խորին ծերութիւն, ի կամս բարերարին Քրիս-  
 տոսի Աստուծոյ մերոյ. անբասիր և անբռնադատ կենօք, յարագուարճ ու-  
 րախութեամբ. ամէն: Այլ և աւրհնեսցէ զձեզ Տէր Աստուած մեր և զարդա-

1. Բնագրին վրայ թուականն պակսի. բայց կոնչակին ետեւը ընդունողաց մէկն գրեր է այլ-  
 ազգերէն. « Պու պիգիք եաղլմլջ Սուրբ Էջմիայծիմտա. Թվ. ՌՁԸ, հոկտեմբեր ժն »: